

بعض منتخبات آثار ايله فنونك دلالت ايتديكي برطاقم غرائب كشفبات و حكماي
مقدمين و متأخرين طرفسندن ايراد ايديلان محاكات مغينه ي و بعض تراجم
احوالی حاویدر .

مؤلفی

{ احمد دمت }

جزؤ نومروسی

۷

فیشانی

غروشدرد

ایلك دفعه

اولنی اورره مخرك ذاتنه مخصوص مطبعه ده باصلدی .

استانبول

۲۸۸

اسلامیتک فلسفه سنی میدانہ چقارالم .
برکہ الیمزده کی سندت بالکن منقولاتدن
عبارت قالمسون . فلسفه اسلامیه بی میدانہ
چقارالم . یعنی کوزلیمزده اولان اوصافی
کوزلکری تمیزجه سلبوب اولوجهله
باقالمده اگر حقیقی اثباتدن مستغنی بولنان
بدهیات صورتده کوسترهمن ایسه کوزمان
مستول اولالم .

همده بزوکوزلکری مطلقاسیله جکز .
برزمان کلدجک که اوکوزلکری مخالفلر .
بمزک بروننه دخی طاقوب حق انلرده
کوستره جکز . چونکه حق مادام که هر
ملت عنسدنه حالا دردست تحریدر .
ومادام که بونی بزم کوزلکردن بشقه
کوزلک کور، میوب اوکوزلکرده بزدهدر
بوموفقیب دخی بزم بوزومزدن یعنی ملت
معظمه اسلامیه بوزندن میدانہ چقاجقدر .
شوقدر وار که بز اسلامیتی فنونه
نطبقی انمز و فلسفه سنی میدانہ چقارمز
ایسه کشدیکی درجه مزدن زیاده ترفیه
موفق اوله میز . سندت طبیعت و فقه
نطبقی ایلمدیکه بالکن نقلیاتله عقلیاته غلبه
ممکن اوله بیلوری ؟ احوالده کیم کیمی نصل
تکفیر ایده بیلور ؟

(انتها)

حریتک ماهیتی حفته حکمائک خلاصه
افکاری (مابعد)

(جمعیت مدنیه)

دیرلک جمعیت مدنیه حوایجی
یکدیگر ینک تعاون و تناسرله تسویه

ایدیله جک اولان انسانلرک طویلیمجه برمحله
طویلانملرندن عبارتدر .

دیرلک جمعیت مدنیسه اساسا برقاج
آدمک برقاملیا اولهرق تشکیل ایتدکری
جمعیت اولوب مؤخرأ قرابت و صهریت
جهتله بوجعیت یویه یویه برقبیله اولاش
وفوآیدی اتحاد ایدن دیگر فاملیار و قبیللر
دخی دخالت ایده ایده دهها زیاده یومش
ارایه دیانت کبهرک و دیانت دهها برطابق
ناسی جمعیت صوفارق جمعیتی دهها زیاده
یومش قانون مدنیب برچوق فاملیایی
برچوق قبیللری برقاج دیانتی جمع ایدرک
میدانه قوجه قوجه ملتر چقارمشر .

حتی ایشک دهها ایلروسنه کیدنلر
وروایت تورانه قدر وارانلر دیرلک کوردیکمز
ملیتلرک نوحک اوج اولادیله انلرک اولاد
واخفادنن حاصل اولان تقسیماتک مرور
زمان ایله اوغرادقیری انقلابدن آزمده برشی
اولوب بافلسفه بینی بشر هب برقاملیادن
عبارتدر .

فقط تاریخ بوروایتلری تمامیله قبولدن
بزی منع ایدیور .

بزم کوردیکمز قالدور ایسه جمعیات
مدنیه برصاحب خروجک اما کرک قلیج
قوتیله کرک قوه روحانیله ایلر خروج ایدن
برصاحب خروجک برچوق خلقی دائره
اطاعت و انقیادینسه صوقیبی صورتیله
تشکل ایشدر .

جمعیتلر بوضورتله تشکل ایتدکدنصکره
میدانه قونیلان قانونلرا کر حریت عمومیده
رعایت ایش ایسه یک چوق وقت دوام

اورته به قویالم راحت راحت یشایلم کسه
کسه نك حقنه تجاوز ایتمسون - بوتکلیفه
جمله سی راضی اولمشلر . چونکه هپسی
بوصاید یغیر شیلره محتاج فالمشدر . فقط
برمشکل ظهور ایتمش که حق مسئله سیدر .
« کسه کسه نك حقنه تجاوز ایتمسون »
سوزینک حکمنی اوله قولایچه تعیین
ایده مامشلر . نهایت هپسی بردن بنه
دوشونش « هرکس کندسی عالنده
بولند قجه بنه حر مطلق اولسون ایسته دیکی
کبی دوشونسون . ایسته دیکی کبی قرار
ویرسون . حتی فائده و مضرتی یالکرز
کندی نفسنه عاید اولان اجرا آنده دخی
حر مطلق بولنسون . انجق تأثیراتی آخره
تجاوز ایده جک همده کرک ماده و کرک
حکمنی تجاوز ایده جک خصوصاً بنده مقید
اولسون » دیمشلر و بونک اوزرینه بئتلرنده
برقرار و یروب و قرار واقعی بر قونطور اتویه
ربط ایدوب « هرکیم بقونطور اتونک
حکمی بوزار ایسه درجه سنه کوره شو جزایه
مستحق اولسون » دیه امضا ایتمشلر .
بوندن صکره اشبو قونطور اتو حکمنک
اجراسنی یا انتخاب ایتمکلی برآدمه
ویا خود برآدمه امتیت ایده منزلی ایسه برفاج
آدمه ویرمشلر .
ایشته حریت نامه و قانون مدنیت
و حقوق جزا و حکم حکومت هب احراک
کمال سر بستی ایله امضا ایتمکلی شو مقاوله
حکمندن چیقمش .
« انسان تأثیراتی آخره تجاوز ایده جک
همده کرک ماده و کرک حکما تأثیراتی آخره

ایدوب کتمش و حتی بعضیسی حالا دوام
ایتمکده بولند یغی کبی حریت عمومیه به درکار
اولان رعایتندن ناشی الی غیر انتهاییه دوام
ایده جکی دخی بدیهی بولمش اولوب بونلر
ایچندن حریت عمومیه به رعایت ایتمیلری
مؤخرأ حریت پرورانک پنجه انتقامنده یاره
پاره اوله رق جهسانده نام و نشانی بیله
قالامشدر .

شو حاله کوره جمعیات بشریه نك جمعیات
مدنییه حائله محول اولسی اعضاسنک احوال
حاضر لرینی حقیقت احوال ایله تطبیق
ایدرک کوریلان نواقص و نقایصی انعام
وزوآندی قصر ایده ایده اولسایده برچوق
امکملر و فائز صرف ایتمکدن صکره میسر
اولمشدر .

بنابرین جمعیات مدنییه نك صورت
تشکیلنه دایر حکمانک تصویر ایتمکلی
صورتی بر (کویا) قیدیه قبول ایتمک
لازم کلیور .

ایندی دیلم که :

« کویا برچوق آدم بریره کلمش
بر برینه دیمشلر که - یا هوار قداملر ایشته
یزهمن حرز فقط برچوق شیلره محتاج
یمک ایستز ایچمک ایستز کیمک ایستز
باریشه جق بریر ایستز . بونلر ایسه
برچوق صنایعه محتاج . کلکز بعضی بردن
معدنلری چیقارسون بعضی طاعندن
آغاچلری کسون بعضی سوریلریمز ری
اینسون بعضی اکین اکسون بعضی بونلر
بوزندن حاصل اوله جق خام اشیایی
ایشله سون همیز محصول سعی دستری

جمعیتہ دخی حکماً مضرئی طوفونمش
اولور .

انجی بونی بیللی که انسان بوقیدی
وده اطوغریسی بوقدر قودی طبیعتک
کندیسته بخش ایش اولدیغی کمال حریتله
قبول ایش اولوب کرها قبوله مجبور
اولماشدر . مدنیت وقانون مدنیت انسانک
حریتنی غصب ایتر . بوقاروده دیش
ایدک که حریت برنوع نقد اولوب انسان
امنیت واسایش مبیعه سی ایچون اونقدردن
اقتضا ایدن مقداری صرف ایدر . ایسته
جمعیت مدینه دخی انسانک کافه حقوقنی
بالمحافظه کندیسینی امنیت وآسایش ایچنده
بولندیرمغه مقابل آنک طرفندن دخی برمنوال
محرر برقیدی قبول ایده جک قدر حریتنی
صرف وفدا ایتمسینی رجا ایلر .

ایسته جمعیت بشریه ایچنده بولنان
احرارک ماهیت واساس حریتلری طبیعتک
کندولرینه بخش ایش اولدیغی حریت
کامله . مطلقه دن قانون مدنیتک کندیسینی
محافظه یه مقابل فدا سینی التماس ایلدیکی
مقداردن متباقی اولان قسمی اولوب بوقدر
حریتله انسان کندی عالنده یته کمال
حریتله یشایه بیلور .

هم ده شونی ده علاوه درمیان ایدلم که
برحر مطلق دائرة مدنیتسه کیره رک حریت
کامله سندن بالکثری غسیره تجاوز ایدن
اجرا آتده مقید بولمسی شرطیله فدا ایلدیکی
برمه دارندن طولانی ضررلی چیقیز بالعکس
کار ایدر . زیرا برحسابه کوره او بولده

تجاوز ایده جک خصوصاً منقید بولنسون
حکمی نه قدر بیک بر حکمدر ؟ . اوقدر
بیک بر حکمدر که انسان ایسته مش اولسه
برحری بونکله عادتا اسارت الله آلور .
زیرا تأثیراتی ماده آخره تجاوز ایدن اجرات
بدهنسه بولندیغی جهنله اندن قطع نظر
فقط تأثیراتی حکماً آخره تجاوز ایدن
خصوصات ایچنه وجدانیات و اخلاق دخی
داخل اولور . سزحر مطلق اوله رق
ایسته دیگکز کی دوشونمکه صلاحیتکز
اواسدیغی حالده سزک بوصلاحیتکزی بیه
تحدید ایده بیلور . وجداناکسه ایچون فزالیق
دوشونمکدن کندیکزی منع ایدر سکز .
جبراً دکل . قانون حریته وضع ایتمدیگکز
امضاکزی محافظه منع ایدر سکز . زیرا
بنم علیهمده فنا مطالعه ده بولمکه کز حکماً
بکا سوء تأثیری موجب اولور . چونکه
همز دائرة مدنیتده یشار قرنداش اولدیغمز
ایچون بن سزک حقیده حسن نظر و حسن
نیت و حسن توجهکزه محتاجم . اگر سز
علیهمده فنا مطالعه ده بولنور ایسه کز
بن بولنردن محروم اولورم . اگر بوقاروده
تصویر ایتمکز قونطور اتویه وضع امضا
ایدن ذات براز دوشونجملی آدم اولور ایسه
مضرقی بالکثر کندی نفسنه عائد کی اولان
خصوصاتدن بیه کندیسینی منع ایدر . مثلاً
نفسنه سوء قصد ایدمزم . زیرا مضرقی
بالکثر کندی نفسنه عائد دکلدر .
کندیسندن صکره او کسوز قاله جق فامیلیاسنه
بوسوء قصدک ماده و او آدم جمعیت بشریه یه
لازم اولدیغی ایچون منسوب اولدیغی